

፩ኛ መግቢያ

አብ ፀሐይ ወልድ ፀሐይ ፤

ወመንፈስ ቅዱስ ፀሐይ

ሥሊሳት በገጸት ወበመለኮት ዕሩይ ፤

ጽርሐሙ እሳት ወጠፈሮሙ ማይ ፤

ጽርሐ ቤቱሙ ሰማይ።

፪ኛ መግቢያ

ሰላም ለህላዌክሙ ዘኢይትዐወቅ እምጥንቱ ፤

ወዘኢይትረዓይ ተፍጻሜቱ ፤

ሥሉሰ ቅዱስ ዘኢትመውቱ ፤

እንዘ ሠለሰቱ አሐዱ ወእንዘ አሐዱ ሠለሰቱ ፤

ለዕባይክሙ ፍጻሜ አልቦቱ።

፫ኛ መግቢያ

ሰላም ለአእዳዊክሙ እለ ያሐፋ ኦሪተ ፤
አመ ያመ ሙሴ ዓርብዓ መዓልተ ፤
ሥሉስ ቅዱስ ዘትለብሱ ስብሐተ ፤
አመ አዝነምክሙ በሰዶም እሳተ ፤
በዲበ ፀርዩ አዝንሙ መቅሰፍተ።

መልክክ ሥላሴ

ሰላም ለክብ ወለወልድ ቃሉ፤
ወለመንፈስ ቅዱስ ሰላም ዘክካሎሙ ኣካሉ፤
ለማርያም ሰላም እንተ ተሳተፈት ስብሐተ እሉ፤
ሰላም ለመላእክት ወለማኅበረ በኩር ኩሉ፤
ጽሑፋኑ መልክክ ወስም በሰማይ በላእሊ

መልክክ ሥላሴ

ሰላም ለኢብ ገባሬ ኩሉ ዓለም፤
ለወልድ ሰላም ወለመንፈስ ቅዱስ ሰላም፤
ለማርያም ሰላም ወለመላእክት ሰላም፤
ሰላም ለነቢያት ወለሐዋርያት ሰላም፤
ለሰማኢታት ሰላም ወለጸድቃን ሰላም።

መልክክ ሥላሴ

ሰላም ለኢብ ዘእምቅድመ ዓለም ነጋሢ፤

ለወልድ ሰላም ሥጋ ማርያም ለባሲ፤

ለመንፈስ ቅዱስ ሰላም ኃጢአተ ዓለም ደምሳሲ።

ኃይልየ ሥላሴ ወጸወንየ ሥላሴ፤

በስመ ሥላሴ እቀጠቅጥ ከይሴ።

መልክኦ ሥላሴ

ሰላም ለህላዌክሙ ዘይመውዕ ህላዌያተ፤
ለረኪበ ስሙ ኅቡእ ኣመ ወጠንኩ ተምኔተ፤
እምግብርክሙ ሥላሴ ሶበ ረከብኩ ኣሰማተ፤
መለኮተ ለለኣሐዱ ዘዚኣክሙ ገጸተ፤
እንበለ ትድምርት እሰሚ ወእሁብ ትድምርተ።

መልክኦ ሥላሴ

ሰላም ለሰጸርተ ርጸሰክሙ ዘጽድላዌ በረድ ጽላሎቱ፤
ነገሥተ ባሕታዊ ሥላሴ ዘጋዳክሙ ጸሎቱ፤
ሥላሴክሙ መሀሩ ቅድስያተ ሠለሰቱ፤
ወብሂለ በዘወሰኑ ጸግዚኦ ኃይላት ዝንቱ፤
ለዋህድናክሙ ምስጢሮ ከሠቱ።

መልክክ ሥላሴ

ሰላም ለዝክረ ስምክሙ ዘኢይትጋባእ እምተከፍሎ፤
ወዘእምተከፍሎ ይትጋባእ ለተሰምዮ እምላክ ወዘይመስሎ
ሥሉሰ ቅዱስ ሴሰዩኒ በተሣህሎ፤
ፍሬ ጽድቅ ከርካዕክሙ ዘእዴክሙ ተከሎ፤
ወፍሬ ወይንክሙ ርትዕ ዘያፀግብ ነሎ።

መልክክ ሥላሴ

ሰላም ለርእሰክሙ ዘኢትዮጵያ ርእሰ፤
ኢጋዕዝተ ሥጋ ሥላሴ ኢትሌልዩ ነፍሰ፤
በርእሰ ኢያሱ አንብሩ አክሊለክሙ ሞገሰ፤
በሰምክሙ አሐዱ እሰመ ያመልክ ሥሊሰ፤
ወበሰምክሙ ሐነጸ መቅደሰ።

መልክክ ሥላሴ

ሰላም ለገጽክሙ እምዐይነ ፍጡራን ዘተኃብክ፤
ሰብሐቲክሙ ሥላሴ ውስተ ኣፈ ነሉ ዘመልዐ፤
ኣሐዱ መልክክ ሶበ እምቤትክሙ ወፅኦ፤
ዲበ ፍጡራን ከመ ይሰመይ እግዚኦ፤
በእምሳሊክሙ ፈጠርክሙ ሰብኦ።

መልክኦ ሥላሴ

ሰላም ለቀራንብቲክሙ እለ የሐትታ ዐማፄ፤
ፍዳ ዐመጸሁ ብዙኅ እስከ ይረክቦ ድንጋፄ፤
መዛግብትየ ሥላሴ ዘየኀፍረክሙ ፃፄ፤
ይኩነኒ ምሕረትክሙ አመ ዕለተ ፍዳ ሐዋፄ፤
ዘእሳተ ሰማይ ያጠፍእ ወይቀትል ዕፄ።

መልክክ ሥላሴ

ሰላም ለአዕይንቲክሙ እለ ተኬነዋ አዕይንተ፤
ቅድምናክሙ ሥላሴ ዘኢያመክነየ ጥንተ፤
ሲሳየ ውሳጤ ይኩነኒ ወክዳነ አፍክ ሜላተ፤
ዘአንደደ ጥበብክሙ እንበለ እሳት እሳተ፤
ወእንበለ ማይ አቀራረረ ማያተ።

መልክክ ሥላሴ

ሰላም ለአዕዛኒክሙ አናቅጸ ጸሎት ሠናይ፤
ምሥጢራት ሰሚዕ ሥላሴ ዘይተልዎ ርእይ፤
በአብትረ ያዕቆብ በርህ ሥላሴክሙ ፀሐይ፤
ወተመሰሉ ሰብአ ዓይን አባግዓ ላባ ወማይ፤
ለህብ አባግዕ ዘዮም ወጥምቀት አባይ።

መልክኦ ሥላሴ

ሰላም ለመላትሒክመ፡ እምቅድመ ብርሃናት እለ በርሁ
ሥሉሰ ቅዱስ ባልሔኒ እመከራሁ፤
ለንጉሠ ዓለም ተውላጥ ዘትካዛት ሐራሁ፤
እንዘ እሳት ቅንዓቱ ወእንዘ ሐሜት ዕዪሁ፤
እስመ ውስተ ምድር ገሃነም ለሊሁ።

መልክኦ ሥላሴ

ሰላም ለአእናፊክሙ እለ ዓፄነዋ ስብሐታተ፤
ጥበብክሙ ሥላሴ ዘበግብራቲሁ ተከሥተ፤
በዓመተ ሕንፃ ፈንወ ሊቀ ነደቅት ምጽዋተ፤
ነዳያነ ወምስኪናነ እንዘ ይፊሲ ጸረብተ፤
ለነፍሰ ዚአየ ከመ ይሕንጽ ቤተ።

መልክኦ ሥላሴ

ሰላም ዕብል ለዘዚኣኸመ ከናፍር፤
ተሣህሉኒ ሥላሴ በሣህለ ቤትኸመ ፍቅር፤
እስመ ሃይማኖትየ ሞተት እምነ ሕይወታ ምግባር፤
እንዘ ብየ ተስፋ ጽሙዕ ጽዋዓ ማይ ቆሪር፤
ወሐዋጼ ብእሲ ድውይ እንዘ ብየ እግር።

መልክክ ሥላሴ

ሰላም ለአፋክመ ዘማዕጸሁ ሰላም፤
ጽጌያቲሁ ሥላሴ ለተዋህዶ ገዳም፤
መንገለ አሐዱ አምላክ ንዋየ መጻዒት ዓለም፤
ወልጡ አምልኮትየ በጸጋክመ ፍጹም፤
እምአምልኮ ጣዖት ግሉፍ በዋኅድ ድኅርም።

መልክክ ሥላሴ

ሰላም ለአሰናኒክሙ አሰናናተ ሥጋ ዘኢኮና፤
ዝናማቲሁ ሥላሴ ለተዋህዶ ደመና፤
አመ ወደይክሙ ሕገ ውሳጤ ነፍሳዊት ልቡና፤
ተኣተተ ምስለ አይሁድ ሕገ ደብረ ጽልመት ሲና፤
ወለሕግክሙ ኀደገት መካና።

መልክኦ ሥላሴ

ሰላም ለልሳንክሙ እምቅድሙ ነገር ዘተናገረ፤
መንበርክሙ ሥላሴ ዘያደነግፅ መንበረ፤
ሶበ ዐለወክሙ ሕገ ወተጓሕለወክሙ ምክረ፤
ገጸ ኃጉል ዘይደልዎ ዓይነ ቴዎዳሰ ነጸረ፤
ወገሊላዊ ይሁዳ ፍና ሞት ሐረ።

መልክክ ሥላሴ

ሰላም ለቃልክሙ መታሬ እሳት ነዳዲ፤
ሥሉስ ቅዱስ ንዋያተ ዕፁብ ነጋዲ፤
አመ በንስሐ ተወልዱ እምጸጋክሙ ወላዲ፤
ተወፈዩ መርኖ ሰማይ የማነ ጴጥሮስ ከሀዲ፤
ወመምህረ ወንጌል ኮነ ጳውሎስ ሰዳዲ።

መልክኦ ሥላሴ

ሰላም ለእስታንፋሰክሙ ሕይወተ ሕያዋን ፍጥረታት፤
ካህናተ ሰማይ ሥላሴ ዘደምክሙ ሥርየት፤
እምደምክሙ ንዝኹ ራግዛተ ነፍሶ የቤት፤
እሰመ ኣነ ተሐዘብክዎ ወፈተንክዎ ትካት፤
ለደመ እንሰሳ ድኩም ወጽኑስ ጣዖት።

መልክክ ሥላሴ

ሰላም ለጉርዔክሙ ስቲ አንብዓ ደም ዘኅሠሠ፤
ብፁላነ ሞገስ ሥላሴ ኢታንድዩኒ ሞገሰ፤
እመ ትትጌዩዩኒሰ ወተኅድጉኒ ጽኑሰ፤
ሚካኤልኑ ለአውጽኦ ሥጋዩ ጌሠ፤
ወእመ አኮ ገብርኤል ወሀበኒ ነፍሰ።

መልክኦ ሥላሴ

ሰላም ለካሳድከሙ ካሳደ አዳም ዘሠዐለ፤
እምኃይልከሙ ሥላሴ አስተሳታፊኒ ኃይለ፤
በጠፈረ ሥጋየ አቅም ፀሐየ አርሳንዮስ ገድለ፤
ዘሀለወ ታሕተ ኢያሱ ከመ በኃይልከሙ ከሀለ፤
አቅሞ ፀሐይ ዘሀለወ ላዕለ።

መልክኦ ሥላሴ

ሰላም ለመታከፍቲክሙ መሠረተ ዓለም እለ ጸሩ፤
ኖትያተ ኖኅ ሥላሴ ወዕፀወ ዓባይ ሐመሩ፤
ዲበ መንበርክሙ ሰብኦ ሶበ ኦምላከ ነጸሩ፤
ኪሩቤል ወሱራፌል ታሕተ እገሪሁ ገረሩ፤
እስመ ለሊሁ አዘዘ ወእሉ ተፈጥሩ።

መልክክ ሥላሴ

ሰላም ለአክናፊክሙ እሳታውያን አክናፍ፤
እለ በማዕከል ሀለዉ ወእለ ሀለዉ በጽንፍ፤
አለብዉኒ ሥላሴ ቀትለ መስተጋድል መጽሐፍ፤
ከመ ወትረ ይትዋሥኦኒ ትምይንተ ቃሉ ትሩፍ፤
ወጉሕሉተ ታድራ ምስሌየ ይዛዋዕ በአፍ።

መልክኦ ሥላሴ

ሰላም ለዘባንክሙ እምቅድመ ዓለማት ዘተቀሥፈ፤
በበትረ ቅድምና ኅቡዕ ከመ ወስተ መጽሐፍ ተጽሕፈ
ሥሉሰ ቅዱስ እለ ትትዋሐዱ ዘልፈ፤
ዕቀብዎ እምድቀታት ወረሰይዎ ምዕራፈ፤
ለውሳጣዊ ሕንጻዩ በአፍኣሁ ዘገዝፈ።

መልክክ ሥላሴ

ሰላም ለእንግድዓክሙ ትዕይንተ ንጉሥ ምክር፤
ሥሉስ ቅዱስ መልሕቃተ ሰማይ ሐመር፤
ሶበ ይዴግነኒ ባዕስ መልክክ ቅንዓቱ ለፀር፤
ምስለ ኃይል ይባልሐኒ ባሕረ ምሕረትክሙ ፍቅር፤
ከመ ለእስራኤል ቅድመ ባልሐሙ ባሕር።

መልክክ ሥላሴ

ሰላም ለሕፃንነህም ምርፋቀ ጸድቃን አግብርቲህ፤
ማያተ ኢያሱ ሥላሴ እለ ዘትውኅዙ እምኅሊናህ፤
እስመ በአፍአህ አንትሙ ወአንትሙ በውሳጤህ፤
ኢነጸረ ንበ ሐይመት ከመ አብርሃም አቡህ፤
ወመስኮተ ነቢይ ዳንኤል ኢፈቀደ ያርኑ።

መልክክ ሥላሴ

ሰላም ለአእዳዊክሙ እለ ተከነዋ ብእሴ፤

ኦ ኄራን አጋዕዝትየ ሥላሴ፤

ድኅረ ጸሐፊ ኦሪተ ሊቀ ነቢያት ሙሴ፤

መሀረኒ ሥላሴክሙ መጽሐፊ መምህሩ ለአውሴ፤

ወወልደ ነጐድጓድ ዮሐንስ ዘመልየ ውዳሴ፡፡፡

መልክክ ሥላሴ

ሰላም ለመዝራዕትክሙ መዝራዕተ አዳም ዘአፀንዐ፤
እምአጽናፈ ምድር ሥላሴ እለ ትስዕሩ ጸብዓ፤
ውስተ ልብዩ አብኡ ሀብተ ነሳሕያን መባእ፤
ከመ አብእ ለንግሥክሙ ጸባሕተ አዕይንት አንብዐ፤
ወበፍቅርክሙ ከመ አሥምር ሰብክ።

መልክኦ ሥላሴ

ሰላም ለኩርናዕክሙ ኩርናዕ ድካም ዘሠበረ፤
ሐረሳውያን ሥላሴ እለ ኢትጳምዉ ወትረ፤
አምጣነ ረሰይክሙ ዘርዕ ሥርናየ ቤትክሙ ፍቅረ፤
ዘያቀድም ወርኅ ዘርዕ ወዘያተሉ ማዕረረ፤
ውስተ ገራህትክሙ ሰብእ ፍሬ ጽድቅ ሠምረ።

መልክኦ ሥላሴ

ሰላም ለእመታቲክሙ መስፈርታት ምድር ወሰማይ፤
አሰርግዉኒ ሥላሴ በቀጠንተ ምጽዋት ሠናይ፤
ወረሰዩኒ ሐዲሰ እምነ ልማዱ ብሉይ፤
ለባዕል ዘተሣለቆ ወዘተጓሕለዎ ንዋይ፤
እንዘ በዴዴሁ ይግዕር አልአዛር ነዳይ።

መልክክ ሥላሴ

ሰላም ለእራጌታክሙ እለ አጎዛ ዓለሙ፤
ደጌራውያን ሥላሴ ወእለ ነበርክሙ ቅድሙ፤
ውስተ ልብዩ አዝንሙ ዝናመክሙ ሰላሙ፤
ኤልያስሰ ኢወሀበኒ ዝናሙ፤
እምነ አሐዱ ገራህት ዘያረዊ ትልሙ።

መልክክ ሥላሴ

ሰላም ለአፃብዒክሙ እለ እምአጽፋር ኢይትሌለዩ፤
ለቤትክሙ ሥላሴ ዘኢየታልቅ ንዋዩ፤
አመ አብዐልክሙ ሰብአ ድኅረ አንደዮ ጌጋዩ፤
ዘኢርእዩ እምቅድመ ዮም መላእክተ ሰማይ ርእዩ፤
ወአግብርተ ሰብእ መላእክት ተሰምዩ።

መልክኦ ሥላሴ

ሰላም ለገበዋቲክሙ እለ ዕሩቃን እምልብሰ ወርቅ፤
ሥሉሰ ቅዱስ ሥርግዋነ መፍርህ መብረቅ፤
መንገለ ፍኖቱ ምጽዋት ለቆርነሌዎስ ጸድቅ፤
ይምርሐኒ ወንጌልክሙ እግዚአ ፍኖት ረቂቅ፤
ዘጸያሔሁ ዮሐንስ መጥምቅ።

መልክኦ ሥላሴ

ሰላም ለከርሥክሙ ከርሠ ፍጡራን ዘፈጠረ፤
ኅዱራን ሰማይ ሥላሴ ወኃለ ትመልኡ ምድረ፤
ህላዌክሙ እምባዕድ ዘኢተለቅሐ ምክረ፤
ይሣርር መሠረታተ እንዘ ይጸዓን ቀመረ፤
ወእንዘ ይጸውር ድደ ይነብር ጠፈረ።

መልክክ ሥላሴ

ሰላም ለልብክሙ ዘኢይቲሌለይ ፈቃዱ፤
በተዋሕዶ ሥላሴ እለ ትሰገዱ፤
አዳም ኮነ እምኔነ ከመ አሐዱ፤
ቀርነ ንግሥክሙ ሶበ ተነፍሐ በፀውዱ፤
ሁከተ ሰባልዮስ ኀድኦ ወጠፍኦ ሞገዱ።

መልክክ ሥላሴ

ሰላም ለኩልያቲክመ. እለ ዕሩያን በኣካል፤
ዓለመክመ. ሥላሴ ኣመ ሐወጸ ለሣህል፤
እምኔክመ. ኣሐዱ እግዚኣብሔር ቃል፤
ተፈጸመ ተሰፋ ኣበው በማርያም ድንግል
ወበቀራንዮ ተተክለ መድኃኒት መስቀል።

መልክኦ ሥላሴ

ሰላም ለህሊናክሙ በከዊን ንጋር ዘተሐምየ፤
እምከላውዴዎን አብርሃም ዘምድረ ካራን ኅረየ፤
ሥላሴክሙ ሥላሴ ሶበ ይኔጽር ዕሩየ፤
ሠለሰተ ዕደወ ሊሊያን ውስተ ርዕሰ ሐይመት ርእየ፤
ወለኦሐዱ ነገሮ ረሰየ።

መልክክ ሥላሴ

ሰላም ዕብል ለንዋዩ ውስጥ ምሕረትክሙ፤

ትሩፋት ገድል ኩነኒ ሥላሴ አምጣነ ትሩፋት አንትሙ፡

ሶበ ሐርኩሰ ከመ እሳተፍ ገድሎሙ፤

ጊዮርጊስ ኢወሀበኒ መጠነ ነጥበ ጠል እምደሙ፤

ወተክለ ሃይማኖት ከልኦኒ ሰባረ እምፀፀሙ፡፡

መልክኦ ሥላሴ

ሰላም ለሐቋክሙ ዘቅናተ ጊሩት ቅናቱ፤

ሊሉያነ ያታ ሥላሴ እምአምላክ በለዓም ከንቱ፤

ኀበ መስፈርትክሙ ጽድቅ እስመ ያበጽሕ ትእምርቱ፤

ተደለዉ ከመ ይሑሩ ምሕዋረ ዕለታት ሠለሰቱ፤

በዓለ መሥዋዕት አብርሃም ወይስሐቅ መሥዋዕቱ።

መልክክ ሥላሴ

ሰላም አቀራያጺክሙ እለ ተጎብኦ እምዐይን፤
አናምያኒሁ ሥላሴ ለሚላተ ሰማይ ብርሃን፤
ልብሰ ሰማዕትና ይኩኒኒ ምሕረትክሙ ክዳን፤
ላዕሌየ እስመ ኢሀሎ ልብሰ እስጢፋኖስ እብን፤
ወሥርጋዌሁ እሳት ለቂርቆስ ሕጻን።

መልክክ ሥላሴ

ሰላም ለክብራኪክሙ እለ ክሰገዳ ክብራክ፤
ወእለ ኢያብክ ምዕረ ላሕመ ሰማርያ ተውላክ፤
ሥሉሰ ቅዱሰ እንዘ ትፊሰዩኒ ዐርክ፤
ክብሐኒ ለገብርክሙ ከመ እኩንን መልክክ፤
ወከመ እምሰብእ እሰመይ ክምላክ።

መልክክ ሥላሴ

ሰላም ለአጌጋሪክሙ እለ ውሰተ ገነት አንሶሰዋ፤
ሥሉስ ቅዱስ አማልክተ አዳም ወሐዋ፤
ድካመ ጣዖታት ሞዐ ኅይልክሙ ግዕዛነ ዪዋ፤
ድካምሰ ለዕፀ ኃጢአት ሥርዋ፤
ላዕለ አርጤምስ ዘተረሰያ ነዋ።

መልክኦ ሥላሴ

ሰላም ለሰኳንዊክሙ ዘተረሰያ ብርሃናተ፤
ምሕረትክሙ ሥላሴ ያለብወኒ ምሕረተ፤
ለነዳያን ከመ ወሀበ መንፈቀ ንዋዩ ምጽዋተ፤
ወፈደየ ለዘዐመፆ ህየንተ አሐዱ ትርብዕተ፤
ሊቀ መጽብሐን ዘኬዎስ ዘይሁብ ጸባሕተ።

መልክክ ሥላሴ

ሰላም ለመከየድክመኑ እለ ይከይዳ መብረቀ፤

ኢታጎጥኡኒ ሥላሴ ንዋየክመኑ ረቂቀ፤

ሶበ እደ ፈያት ነሥኡኒ ጥሪተ ቤትክመኑ ጽድቀ፤

ዘይበኪ በእንቲአየ ወዘያስተሐምም ጥቀ፤

ተመሳሌ አባ ይስሪን እስመ ኄር ሐልቀ።

መልክኦ ሥላሴ

ሰላም ለአዳብዒክሙ እለ ምስለ አጽፋር ተዋደዱ፤
በኃይልክሙ ሥላሴ ዘኢይደክም ልማዱ፤
እምንጉሠ ባቢሎን ዐብዩ ነቢይክሙ አሐዱ፤
ወለሰብኦ ሐዋርያት ሰብኦ ልስጥራን ሰገዱ፤
እስከ ለእሉ አልሕምተ ሠዊዐ ፈቀዱ።

መልክኦ ሥላሴ

ሰላም ዕብል ለዘዚኣኸመ ቆም፤

ዓለማተ ዓለም ሥላሴ ዘኣልብኸመ ዓለም፤

እምኔኸመ ኣሐዱ በእንተ ኣሐዱ ኣዳም፤

እመኒ በምድር ተወኸፎ ለነግደ ዲላጦስ ሕማም፤

ሆላዕና በኣርያም ሆላዕና በኣርያም ሆላዕና በኣርያም፡፡

መልክኦ ሥላሴ

ሰላም ለመልክኦኝኝሁ ዘኢጊደገ አምሳለ፤
አምፆታ ኩሉ መልክኦ ከመ ውስተ መጽሐፍ ተብህለ
ዋሕድናኝሁ ሥላሴ ሶባ አርዮስ ከፈለ፤
ሰይፍኝሁ ንዋዩ ውስጡ ከመ ይፍድዮ በቀለ፤
ዘአንበለ ሰይፍ ኪያሁ ቀተለ።

መልክክ ሥላሴ

ሥላሴክመ. ሥላሴ ይረሰየኒ መካነ፤
ድገረ ተዋሓድኩሰ ዘሥላሴሁ ብርሃነ፤
ዮርዳኖስክመ. ዝየ እሰመ ኩለንታየ ኮነ፤
ኢየጎሥሥ እምዮርዳኖስ ሰማዕተክመ. ምእመነ፤
ወኢይትሜነዮ ለታቦር እሰመ ታቦር አነ።

መልክኦ ሥላሴ

ሥሊሱ ቅዱሱ እለ ልበሶ ጥበብ ትለብሱ፤
በልብሰከሙ ጸሐፉ ስመ ወልደ ንጉሥ ኢያሱ፤
በዓመተ ሐሩር ነፍሳዊ ድኅረ ነገሥተ ምድር ነግሡ፤
ዘያረዊ ማየ ሕይወት ሕንጻ ደብረ መቅደሱ፤
እስመ ለጽሙዓን አውሐዘ ነቅዕከሙ ከርሡ።

መልክክ ሥላሴ

ለዘበነጊድ አቅራብኩ መካልየ ልሳን ስብሐታተ፤
መጠነ ራብዕ ዐሥር እንዘ አተሉ ሰብዓተ፤
ህየንተ አሐዱ ሥላሴ እለ ትፈድዩ ምእተ፤
ጸግውኒ እምገጽክመ ንዋየ ገጽ ትፍሥሕተ፤
ወዲበ ዐሠርቱ አህጉር ሀቡኒ ሢመተ።

ኦ ሥሊሴ ቅዱስ ዕቀቡኒ እመከራ ሥጋ ወነፍስ
ሊተ ለ_____ለዘኩሉ ሕዝበ ክርስቲያን ለዓለመ
ዓለም አሜን።